

彊邨叢書



陽春詞目錄

臨江仙

小重山

減字木蘭花

點絳脣

漁家傲

阮郎歸

臨江仙

宴桃源

南歌子

漁家傲

念奴嬌

臨江仙

阮郎歸

臨江仙

念奴嬌

醉春風

小重山

訴衷情

陽春詞

襄陽 米友仁 元暉

臨江仙

昨夜扁舟沙外艤
淮山微雨初晴
斷雲飛過月還明
一天風露重
人在玉壺清
水際不知何許是遙林
□辨微青
醉迷歸夢強□淩
誰言東去鴈解寄此時情

小重山

醉倚朱闌一解衣
碧雲迷望眼
斷虹低近來
休說帶寬圍
人千里還是燕雙飛
深院日初遲
綺窗簾幙靜
恨生眉不堪虛度是花時
鴻來速爭解寄相思
減字木蘭花

柳塘微雨兩兩飛鷗來復去倚徧重闌人在碧雲山外
山一春離怨日照綺窗長幾綫酒病情魔兩事春來
無柰何

點絳脣

浩渺湖天酒浮黃菊攜佳侶澹煙疏雨去魯方懷土

傾蓋相逢引滿哦奇語山園處兕觥頻舉不醉君無去
漁家傲

從古荆溪名勝地溪光萬頃琉璃翠極望荷花三十里
香噴鼻我舟日在花閒艤向晚餘霞收散綺遙山抹
黛天如水滿引一尊明月裏微風起蕭然真在華胥氏
阮郎歸

小舟載酒向平湖
新涼生曉初
亂山煙外有還無
王維
眞畫圖
風遽起
動襟裾
雨來荷濺珠
一尊相對喜
君俱醉歸紅袖扶

臨江仙

一曲陽關腸斷處
臨風慘對離尊
紅妝揭調十分斟
古來多聚散
正似嶺頭雲
昨夜晴霄千里月
向人無恨多情娟娟
今夜滿虛庭
一帆隨浪去
卻照畫船輕

宴桃源

蝶夢初回栩栩
柳岸幾聲鶯語
蘋末起微風
山外一川煙雨
凝顧凝顧
人在玉壺深處

南歌子

陽
遇酒詞先舉逢山眼暫明一川風雨縱留人不道此郎
歸興欲兼程客久情深尋歡恨不能繩牀頓睡夢
縱橫賴□□□□□□□□□□

漁家傲

和晏元獻韻

郊外春和宜散步百花枝上初凝露福地神仙多外府
藏奇趣幽尋歷徧溪邊路薄宦浮家無定處萍飄梗
泛前人語與子未須鄉國去來同住且看羣岫煙中雨
念奴嬌村居九日
九秋氣爽正溪山雨過茅檐清暇籬菊妍英知是爲佳
節重陽開也色妙香殊勻浮甌面俗狀卑金斝歌狂飲
俊滿簪還更盈把村外草草杯槃邊塵不動欲買應

無價端使晴霄風露冷雲捲煙收平野向晚嬋娟半輪
斜照想見成清夜玉山頽處要看敬帽如畫

臨江仙

寶晉軒窗臨望處山圍水繞林縈不堪回首到江城牆
跌圍瓦礫鷗鷺見人驚日願太平歸舊里更無餘事
關情小營茅舍倚雲汀四時風月裏還我醉騰騰

阮郎歸

碧溪風動滿文漪雨餘山更奇淡煙橫處柳行低鷺鷥
來去飛人似玉醉如泥一枝隨鬢敝夷猶雙槳月平
西幽尋歸路迷

臨江仙

野外不堪無勝侶笑談安得君同四時景物一壺中醉
餘臨望處遠岫數重重溪上新荷初出水花房半弄
微紅曉風蕭爽韻疏松娟娟明月上人在廣寒宮

念奴嬌裁成淵明歸去來辭

闌干倚處戲裁成彭澤當年奇語三徑荒涼懷舊里我
欲扁舟歸去鳥倦知還寓形宇內今已年如許小窗容
膝要尋情話親侶郭外粗有西疇故園松菊日涉方
成趣流水涓涓千澗上雲繞奇峰無數窈窕經北風清
月瞭時看煙中雨蕭然巾岸引觴寄傲衡宇

醉春風

一陽來復羣陰往吾道從今長萬事莫關情月夕風前

依舊須豪放 卿雲舒卷浮青嶂從古書珍賞滿引唱
新詞春意看看又到梅梢上

小重山

雨過風來午暑清榴花紅照眼向人明一枝低映寶釵
橫萼蒲酒玉枕十分斟引滿聽新聲小軒簾半卷遠
山青幾人閒處見閒情醒還醉爲趣妙難名

訴衷情

淵明詩

結廬人境羨陶潛車馬不來喧勝處自多真趣飛鳥日
相還心旣遠地仍偏見南山手持菊潁山氣常佳欲
辨忘言

紹興戊午中春初七日懶拙道人得守滁陽旣老則

懶遂請宮投閒泛小舟來平江大姚村過謙之於莊
舍乍朝來居深村灑然如濯清風於三伏畏暑中其
爲快有不可勝言者大恨未能增置百斛尙依微祿
以哺孥稚未能便納政爲閒客相從雲水閒耳豈非
老業家女甥索書此柔毫頑悍作書不成略無可觀
是月十三日元暉

元暉以墨戲繼武南宮詞翰惜不傳於世此卷爲
其自書小詞南宋時藏金陀岳氏錄存寶真齋法
書贊中予近年始獲見之亟爲刊訂以補樂府之
遺尙惜竹垞先生不及收入詞綜耳通介叟鮑廷
博書

淨溪詞目錄

點絳脣

二

小重山

三

21/10/1911

浮溪詞

婺源汪藻彥章

點絳脣

新月娟娟夜寒江靜山銜斗起來搔首梅影橫窗瘦
好箇霜天閒卻傳杯手君知否亂鴉啼後歸興濃於酒
前調

高柳蟬嘶采菱歌斷秋風起晚雲如髻湖上山橫翠
簾捲西樓過雨涼生袂天如水畫樓十二有箇人同倚
小重山

月下潮生紅蓼汀淺霞都斂盡四山青柳梢風急墮流
螢隨波處點點亂寒星別語寄丁甯如今能閒隔幾

長亭夜來秋氣入銀屏梧桐雨還恨不同聽

茗溪樂章目錄

洞仙歌

夜行船

念奴嬌

四

踏莎行

虞美人

江城子

臨江仙

二

雪月交光

望海潮

醉蓬萊

望明河

驀山溪

生查子

清平樂

青玉案

夢橫塘

西河

眼兒媚

水調歌頭

二

鷓鴣天

木蘭花

浣溪沙

點絳脣_二

臨江仙

驀山溪

念奴嬌

柳梢青

鵲橋仙

浣溪沙

點絳脣_二

望海潮

青玉案

喜遷鶯

踏莎行

浣溪沙

茗溪樂章

歸安 劉一止 行簡

洞仙歌

細風輕霧鎖山城清曉冷蕊疏枝爲誰好對斜橋孤驛
流水濺濺無限意清影徘徊自照何郎空立馬惱亂
餘香綺思憑花更娟妙腸斷處天涯路遠音稀行人怨
角聲吹老歎客裏經春又三年向月地雲堦負伊多少
夜行船

十頃疏梅開半就折芳條嫩香沾袖今度何郎尊前疑
怪花共那人俱瘦測測輕寒吹散酒高城近怕聽更
漏可惜溪橋月明風露長是在人歸後